



國家清史編纂委員會·文獻叢刊

五編

清代稿鈔本

第二二三冊

國家清史編纂委員會·文獻叢刊

五編

清代稿鈔本

第二二三册

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社

·廣州·

第二二三冊目錄

嘉禾徵獻錄 外紀

嘉禾徵獻錄

三十卷

外紀

六卷

盛楓輯

鈔本

先君子手輯是錄者二十餘年搜訪之勤靡間寒暑嘗詔不肖輩曰余之錄此非敢遠追襄陽耆舊近擬金華先民錄也特以桑梓之邦典型斯在自陸宣公顯名于唐越宋及元卽無忠猷碩畫掀揭天地而嘉言懿行足以垂範奕禩者當不至閭寂無聞也如魯氏閭人氏呂氏常氏在趙宋時科名稱極盛矣乃郡志所載寥寥使後人欲尋其流風餘韻渺不可得豈非纂錄其無人致考稽之鮮據乎至于明 項襄毅呂文懿諸公見于戚太常往哲編朱文恪魏忠節諸 項明府續往哲編合計止二十餘人顧是數公者功列旂常名垂穹壤自當登之史策與宣公媲美無俟里人表暴惟數公而外內自鄉貳館閣外自撫司道府以至一命之榮一節之士不及今網羅嘉懿傳之永久

嘉禾徵獻錄

跋

一

幾何不與唐宋前哲同其湮沒也當代郡邑志於人物稍詳而苟其子孫不振往往缺焉又分類繁而纂言略心竊病之故是錄也近記有明一代以官爵之崇卑為序次其子孫即附于後撫閱為較便焉不敢輕置軒輊亦不敢概予褒崇甄綜為較核焉一事一長之足稱道者無不載畢徵引為較廣焉萬厯中蛟門相相於國與衆正抵牾附之者遂有浙黨之目吾郡不乏其人亦姑述其大略以俟覽者之自考焯等受而聽之藏又三十餘年恐錄中所紀或有溢美遍閱各省郡邑志與夫名人著述詳為之註綴以雜說資旁証也末復表以聲世系樂使衣冠之後人知考其支派而本朝之以科甲顯者附註于後俟續輯也其可以不錄而錄之者名曰外紀竹垞朱公心賞是錄盡出所聽藏書佐先君

予采擇會公亦著木錄一書厯紀一郡沿革以及山川勝名証以前人詩文補舊志所未備謂先君子曰兩錄並垂地志可以無憾矣惜公許為作序而不及成然是錄實公贊成云

乾隆七年壬戌八月男支焯百拜謹跋

嘉禾徵獻錄

跋

嘉禾徵獻錄卷一

郡人盛楓丹山輯

男支焯較訂

呂原 憲言 科程 穆 附黃懋

朱國祚 大競 大定 茂暲 火啓 茂時

施鳳來 佚

錢士升 士晉 棟 栴 默 吾德 繼登

呂原字逢源秀水人父嗣芳字宗遠永樂甲午舉人授山西萬泉教諭凡本以官籍中山西庚子舉人授景州訓導嗣芳掛冠携原隨本之景州與本俱歿焉原童年即博涉經史父兄歿不能歸喪厝于州境奉母南歸未冠著昆于考知府黃懋閱秀水嘉禾徵獻錄

卷一

一

學官文奇之知為原作召見試其舉業詞理皆勝會其費舍恤其貧與以羨財固辭懋益奇之時知府付補生員懋即遣原入學正統辛酉舉浙江鄉試第一明年登進士廷對第二授翰林院編修八年與修五倫書十二年選用奇才進東閣侍經筵簡原及裴綸杜寧謝璉王玉江淵陳文李紹商輅劉儼十人景泰初元遣祭蜀王還充經筵講官辛未進侍講壬申以右春坊中允兼侍講與倪謙教小內官書于文華殿左廡尹直審齋瑣綴錄景泰間選內侍黃賜等七人于文華門讀書習字以備用欲取翰林二人教誨時太監王忱舒良以常從錢原博學示欲意錢不悟王舒乃傳命內閣推舉得侍講呂逢原倪光讓以進上一日至廡中命不踰月俱升侍講學士時被顧問錢始大悔謙講國風原講堯典稱旨問二人官並以中允兼侍講官品工問中允侍講官品二人對曰皆正六品上曰品同安得相兼令

左右取官制再三覽顧二人曰進汝二人侍讀學士兼中允二人頓首謝他事上再至二人遷坐旁壁下上問故二人對言君上嘗臨坐臣子避不敢當上喜二人謹慎後至館輒立語或東西行不復坐癸酉與修歷代君鑒錄主順天鄉試乙亥與修寰宇通志書成進右春坊大學士天順元年丁丑改通政司左叅議仍兼侍講初錄天順以景泰易諸凡翰林帶東宣官銜者皆刊別職改李光述林恒簡黃廷臣尚寶卿劉主靜倪元亮讓呂逢原通政叅議錢原博尚寶與薛瑄主會試鳳州少卿俱兼翰林侍讀以下官仍供舊職天順丁丑薛文清公以內閣呂文懿以通叅侍講為主考同考則尚寶少卿錢博司丞李泰翰林典籍李必是科最號嚴整然外人以詩戲之如所謂薛瑄性理難包括錢原博春秋沒主張問仁既已無顏好告祭如何有大王百指商題目之誤至謂總兵令姪獨軒昂曾會徐有貞李賢下獄子八內閣知制誥時年取者亨從子後也四十二尋升翰林學士曹石寵用甚眾憚原原朝會衣青袍石嘉禾徵獻錄

亨笑曰行為先生易緋原不答有投匭名書指斥曹石奸狀者
上聞欲募能捕者賞以三品官令岳正持榜原與正諫曰為政
有體盜賊責兵部姦宄責法司無天子自出榜購募理遂寢未
幾正暨原亦列上曹石罪狀疏留中曹石大恐遂共摘承天門
災詔中語謂閣臣謗訕上大怒坐便殿召對近臣厲聲曰正大
膽敢爾原素謹厚左右正何也正罷去原得留以武英殿大學士與李
賢同直內閣賢見事立斷原守正濟以持重會彭時亦入三人
相得甚歡庶政稱理戊寅脩大明一統志充總裁賜金綺金帶
玉杯等物已卯七月召原及李賢陪幸南城侍傳曲譙庚辰再主
會試鳳州雜編是科有下第舉人訴學士呂原中允柯尋以母
潛徇私顛倒者上試之不稱囊三木禮部以徇憂去道出景州啓父兄定歸葬舟中寢苦枕塊抵家未及定而

卒年四十五贈禮部右侍郎賜祭葬謚文懿原在閩四年端潔

不苟取予性儉約身無紃綺篋中惟賜衣幾襲祿入贏羨分贍

宣姻清心寡欲祠第無隱過有介軒集十二卷李紹文明世說新語呂文懿好

著書嘗考一事不獲不憚者累昕夕一旦得之謂門人曰進我二階殊不若得此可喜又有通鑑綱目續

編考正行世家府文達賢作公神道碑稱先世顯于宋故其居稱呂

未登第其弟詢天聖甲子鄉舉評景祐甲戌進士其賢問封者

全嘉祐丁酉鄉舉公美第熙寧庚戌奎第熙寧癸丑而元祐榜

賜第者以黃懋字子勉元氏人永樂乙未進士正統中知嘉興

府剛方廉正奏築捍海塘重修澈仁二浦城累遷福建布政使

致仕歸未民攀轅不忍其去懋亦樂木之風土奏請入籍卒于

禾葬春波門外務前橋北土人稱黃家墳者是也子中以加

嘉禾徵獻錄

卷一

三

興籍中成化辛卯鄉試

興中孚字伯誠嘉靖丙戌進士為浙江布政司參議亦入籍秀水孫令德中萬曆戊子應天舉人令德之子之璠萬曆丙午舉人

憲字秉之原子生而穎秀過目成誦原^書二後英廟念輔導功推

陰補國子生時年十^五成化丙戌召入侍事翰林明年授中書舍

人辛卯疏請解職應順天鄉試上^特允其請舍人得赴試自憲始

是年中式滿九載考選主^客閣員外郎尋進郎中琉球請每歲入

貢謂子之事父定省不可間其意實利賈市廷議難之而無辭

以拒憲請責以若知父子之禮當從父命眾服其言番僧乞由

漳州海道歸國憲曰西僧貢有常道更之恐啟他釁遂寢其奏

丙午荐擢南太僕少卿故事太僕馬數不令他官知文籍寢以

磨滅憲請三年一校勘從之弘治癸丑改南右通政轉左丙辰

進太^南常卿上言先年帝王廟火燬石磬十有六銅鐘十有二存

者銅編鐘五口年久聲損乞改造報可孝廟欲廣聰明于言官
多所獎借淺躁者橫不自制公卿多折節下之憲遇之如恆禮
於是相率論其冒進乞致仕不允疏請其子入國學庚申以母
憂解官癸亥再南太常卿以祀事多更歸卷牘抵牾乃採輯累
朝沿革故事為條條事至按而行之王世貞言原雖入內閣而
亦一代之數正德丁卯致仕年六十三橫雲山人明憲丰儀
史稿附原傳
蘊藉廉而不矯讀書幼從天台謝鐸學詩鐸亟稱言雷禮列卿
記黃岩謝
鳴治鐸有詩名憲就學焉謝常謂楊一清憲雖少其詩沉渾醞
指非時輩所及為文章務學左傳史記唐宋諸大家弗屑也
更留心國事特以久官間局政事為文學所掩將一藝堯山堂
王元孫徐某一日與吳小孫院使宴飲命吳畫女樂及孫吳陪
飲之圖畫畢徐喜曰惜歟風流題客過自太常呂憲見而題歌
一篇首曰吳生畫手稱絕老我措大能評詁麗人歸讀少陵作
此樂獨謂君侯宜徐曰不必談我但要寫當日實事耳呂然後
嘉禾徵秋錄 卷一 四

鋪叙家樂援引典故末云吳生吳生欲闢揚自畫白哲居侯
如何更着孫思邈中酒却要千金方徐註大笑曰是日果中酒也
湖廣通志吳偉字次翁江夏人善畫成著九柏山房存稿
化間成國公某延至幕下以小仙呼之可以為號
史執大志六卷靜志居詩話太常許名藉其特為吳中文沈諸
公所推重人不取以任子視之是時詩派未習為纖麗圓熟太
常獨好盤硬語其半晚一世也子言

言字伯時以憲陰授太平府通判

徐象梅兩浙名賢錄太祖起兵鳳陽與太平諸郡按詔

減諸郡田租之半令戶飼馬官就閱其駒歲歲上言其後諸郡
民日貧飼馬馬多死率購他郡駒閱之官官索賂不得斥弗遣
而北都遠數千里以駒就閱比至則困憊不任用以故太平民
匿竄不願飼馬言疏請使民歲輸銀就北地購言官民兩利
遷應天府治中江右饑民流入南畿承檄賑活數萬人瘞死者

亦萬計所至未嘗以家自隨服用纖悉不取于官

太平府志有傳淵鑒類函

言歷任八年數日才一舉肉弗飽也中丞大僚呼斥郡吏見言
入肅然起曰廉判來矣言又好議天下事若潤遠無近功人咸
謂京兆君迂言自終左府經歷子科
安其迂弗較也

科字繼元嘉靖丁酉舉人年近九十猶與海鹽王文祿同上公

車士大夫目曰南宮二老見沈海村萬歷野獲編

程字宗洛父處諸生程中嘉靖癸卯應天鄉試癸丑與從弟穆

同榜中式授懷慶府推官三日解綬歸學者稱為南川先生見兩

浙名賢錄

穆字宗文號字岡父處不仕穆從都御史唐順之進傳其學舉

嘉靖癸卯經魁癸丑進士知邳州丁外艱起補壽州擢工部員

外郎督監三殿工嚴嵩用事歸隱白苧鄉著書講學遠方士多

師之

朱熹尊經議考有書講為穆所著

子懌祖彭山縣丞懌祖卒子孫遂淑有

裔孫黃鼎

順治庚子舉人子有璋

朱國祚字兆隆號養淳秀水人父儒字宗魯號東山幼孤貧浮

嘉禾徵猷錄

卷一

五

別本舉人下有雍
正壬子四字有璋
上無子字